

四庫全書

子部

# 欽定四庫全書

子部

御定淵鑑類函卷四百

九八

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣王璜

謄錄監生臣陳煜

欽定四庫全書

御定淵鑑類函卷四百八

草部一草

草木附  
蘭

草一

原爾雅曰卉百草

總草名也

草謂之榮不榮而實謂之秀榮

而不實謂之英荻根也

增服虔風俗通曰草盛曰莽

木茂曰葆

原方言曰蘇芬莽草也江淮南楚之間曰

蘇自關西曰草或曰莽南楚江湘之間謂之莽 增又

曰凡生草而初達謂之蓂蓂小也茷杜根也東齊曰杜或曰茷 原毛詩曰無草不死無木不萎 又曰野有

蔓草零露漙兮 又曰湛湛露斯在彼豐草 又曰彼

茁者葭

注葭草也  
茁出地貌

尚書曰庶草蕃蕪 周官曰薙氏

掌殺草春始生而萌之夏日至而夷之秋繩而芟之冬

日至而耜之若欲其化也則以水火變之

注萌夷芟耜  
皆謂刈也

月令曰腐草化為螢 論語曰小人之德草草上之

風必偃 大戴禮曰孟春冰泮百草權輿 周書曰霜

降之日草木黃落 增書大傳曰德光地序則朱草生

左傳曰松柏之下具草不殖 原說苑曰十步之內

必有芳草 師曠占曰黃帝問師曠曰吾欲知歲苦樂

善惡可知否對曰歲欲豐甘草先生甘草薺也歲欲苦

苦草先生苦草葶藶也歲欲惡惡草先生惡草水藻也

歲欲旱旱草先生旱草蒺藜也歲欲疫病草先生病草

艾草也 博物志曰黃帝問天老曰天地所生豈有食

之令人不死者乎天老曰太陽之草名黃精餌之可以

長生太陰之草名鉤吻不可食入口立死人信鉤吻之  
殺人不信黃精之益壽不亦惑乎 楚詞曰王孫遊兮  
不歸春草生兮萋萋

草二

增拾遺記曰炎帝教民耒耜百穀滋阜朱草蔓於階  
說文曰萑蒲瑞草也舜時生於庖厨扇暑而涼 述異  
記曰穆天子養八駿處東海島龍駒川中有草名龍芻  
馬食之日行千里古語云一株龍芻化為龍駒 原左

傳曰僖公三十三年隕霜不殺草 增國語曰周定王

使單襄公聘於宋假道於陳以聘楚火朝覲矣道弗不

可行也單子歸告王曰陳侯不有大咎國必亡王曰何

故對曰先王之教曰雨畢而除道水涸而成梁草木解

而備藏隕霜而冬裘具清風至而修城郭宮室今陳國

火朝覲矣而道路若塞野場若棄澤不陂障川無舟梁

是廢先王之教也其能久乎

注云火心星也覲見也草穢塞路為弗朝覲為夏正

十月心星晨見於辰也

三齊畧記曰鄭司農常居不其城南山

中教授生徒所居山下生草如薤葉土人呼為康成書

帶草 拾遺記曰宣帝時背明國貢宵明草夜視如列

燭晝則無光黃渠草映日如火堅韌若金食者焚身不

熱聞遐草服者耳聰 草木狀曰吳黃武中夏江李侯

以罪徙合浦遇毒其奴吉利者得一草莖如金釵股類

石斛根類芍藥與侯服遂解吉利即遁去不知所之侯

因此濟人不知其數遂名吉利草 晉書曰苻堅至壽

春與苻融登城而望王師見部陳齊整將士精銳又北



望八公山上草木皆類人形顧謂融曰此亦勁敵也慙

然有懼色 窮幽記曰午橋上小兒坡茂草盈里晉公

每使數羣白羊散於坡上曰芳草多情賴此妝點 唐

史曰皇甫鏐嘗與李道古共薦方士柳泌召入禁中因

言天台山靈仙所舍多異草願官天台山求采之 五

行志曰唐乾符六年童謠曰八月無霜塞草青將軍騎

馬入空城漢家天子西巡狩猶向東吳更索兵 性理

大全曰周茂叔窗前草不除或問之云自家意思一般

草三

增知旬朔

記歲時

上見草二文字但候草木榮落以記歲時

後漢書定昌羌俗無

指佞

表瑞

見草部四

莠道

護門

上見草二下草部四

釀酒

煎湯

洞冥記甜漢水如蜜東方朔遊此水將數斛獻帝以投陰井井遂常甜而寒瑤琨去玉門九萬

里有草則醒

如麥劉以釀酒飲一合則三旬不醒飲甜漢水退耕錄唐元和時館閣煎湯飲待學士者乃麒麟

草也

連枝

結葉

西京雜記樂遊苑中自生玫瑰樹樹下多苜蓿一名懷風茂陵人謂

為連枝草

漢元帝永光二年天雨草草葉相糾結如彈丸

醒醉

迎涼

開元遺事興慶

池南岸有草數叢葉細心勁有醉者過其旁嗅之立醒謂之醒醉草

杜陽編李輔國家夏則設迎涼草其色

類碧幹類苦竹葉細如杉

合丹

成蜜

山海經姑瑤之山帝女死焉化為瑤草按瑤草乃珊

瑚樹之類仙家用以合丹藥

此草蔓生大葉秋冬不死因被霜露遂如蜜

生

戶

映階

杜甫詩映階碧草自春色又云碧草委牆隅

懷夢

却睡

雜俎漢武時異國獻草類蒲畫縮入地夜若抽萌懷之自知夢之好惡帝思李

夫人之容懷之輒夢因改曰懷夢草

述異記桂

息

雞

起鹿

五代史契丹裒有息雞草味美而本大馬食不過一本而飽

雜俎天名精一名鹿活

草宋元嘉中劉愷射一鹿剖五臟以此草塞之蹶然而起愷怪而拔草復倒如此三度愷密以此草種之多主傷

折俗呼為

向暗

依陰

杜陽編唐順宗即位拘彌國貢變畫草類芭蕉可長三尺

劉愷草

一莖千葉樹之則百步內昏黑如夜始藏於百寶匣中  
上見而怒曰此背明向暗之物何貴之有並匣焚之

潘岳閑居賦蓂荷  
依陰時藿向陽

迎風

積雪

劉禹錫詩銅駝陌上  
迎風草又瓊州出知

風草叢生若藤蔓土人視其節以占一歲風候每一節  
則一風無節則無風雜俎地錢草葉圓莖細蔓生溪

澗邊一曰積雪  
草亦曰連錢草

羊刺

龍芻

北史高昌國有草名羊  
刺其上生鈴味甚嘉美

下詳

江南長

塞外衰

邱遲與陳伯之書暮春三  
月江南草長李陵與蘇

武書涼風九  
月塞外草衰

能使馳走

留與醉眠

孔帖孫覲生有  
道術能使草為

人騎之馳走  
莫輾青青破留與遊人一醉眠

唐鄭谷詩香輪

如有意

不知名文選

詩春草如有意羅生玉堂陰杜甫詩春草不知名蒙  
茸被遠汀又劉原父詩春草綿綿不可名水邊原上亂

抽榮似嫌車馬繁華  
處纔入城門便不生

### 草四

原具卉

百草具卉

不植

見草一

滋蔓

左傳無使滋蔓蔓難圖也

不實

燒薙

採擷

豐草

幽草

茂草

鞠為茂草

農夫務去

周任

有言曰見惡如農夫之務去草艾  
夷蕪崇之絕其根本勿使能植

薙氏掌艾

周禮薙氏掌艾

草

何草不黃

詩

宿草不哭

朋友之墓有宿草而不哭宿草陳根也

蓼蓼者莪

匪莪伊蒿

楚楚者茨

棘貌

行水利

季夏燒薙行水利以殺草

生池塘

池塘生春草

生而成帶

見草二

結以酬恩

魏顆嫁先

人之妾及戰見老人結草以亢杜回夜夢曰予所嫁婦人之父也爾用先人之治命予是以報

青青

河畔草 離離山上苗 不絕根而能植 必滋蔓而

難圖 增王孫草

見草一

仙人草

見謝惠連贊

無風獨搖

水經魏興錫義山多生薇蕨草其草有風不偃無風獨搖

望月則舒

雜祖望舒草出扶文國草

紅色葉如蓮見月出則舒月沒則卷故曰望舒

食之已癰

山海經天有草狀如葵臭如

蘼蕪名曰杜蘅食之已癰

佩之已癰

山海經浮山有草麻葉方莖赤花黑實臭如蘼蕪名曰薰

草佩之可以已癰

草木附

原漸苞

見禹貢注漸進長苞叢生

甲坼

易曰百果草木皆甲坼

夷芟

周官薙氏

樹藝

司徒職云甌草木也

潰茂

詩如彼草木莫不潰茂

黃落

禮草木黃落斧

斤入山林

神助

苻堅伐晉晉謝玄禦之會稽王道子禱於鍾山求助至時堅見八公山草木皆是人

形遂敗若神之助也

天時

周禮草木有時以生有時以死此謂天時也

草木之滋

禮曰喪有疾食肉飲酒必有草木之滋焉以為薑桂之謂也

草木不長

禮土敝則草木不長

增蒼蔚

蒼兮蔚兮南山朝隤謂盛多貌

天喬

書厥草惟夭厥木惟喬

繇條

又厥草惟繇厥木惟條

零落

草曰零木曰落

不毛

楚詞不毛之地草木不生也

灌莽

木叢曰灌草深平曰莽

靈草神木

晻曖

蒙籠

節解

叢薄

搖落變衰

蔓草縈骨

拱木斂魂

江淹恨賦

綠縵

草木香也

草五

原詩古詩曰四顧何茫茫東風搖百草

又曰新樹蘭

蕙葩雜用杜蘅草終朝采其華日暮不盈抱采之欲遺

誰所思在遠道

又曰穆穆清風至吹我羅裳裾青袍

似春草草長條風舒

又曰青青陵中草傾葉晞朝日

陽春被惠澤枝葉可攬結

魏劉楨詩曰青青女蘿草



上依高松枝幸蒙庇養恩分惠不可貲風雨雖急疾根  
株不傾移 梁元帝細草詩曰依階疑綠蘚傍渚若青  
苔漫生雖欲徧人跡會應開 丘遲玉階春草詩曰發  
溜始參差扶堦方沃若雜葉半藏蜻叢花未隱雀歲蕤  
亂碧紫蒼黃間濃薄 陳劉刪詠青草詩曰雨淋三春  
葉風傳十步香映袍憐色重臨書喜帶長 增唐崔國  
輔長信草詩曰長信宮中草年年愁處生時侵朱履跡  
不使玉階行 顧況春草謠曰春草不解行年年上東

城正月二月色綿綿千里萬里傷人情 陸贄賦得御

園芳草曰陰陰御園裏瑤草日光長霍靡含煙霧依稀

帶夕陽雨餘萋萋更密風暖蕙初香擁仗綠馳道乘輿入

建章溼煙搖不散細影亂無行恆恐韶光晚何人辨早

芳 萬侯造賦得龍池春草曰暖積龍池綠晴連御苑

春迎風莖未偃裛露色猶新萋萋分堦砌離離雜荇蘋

細叢依遠渚疎影落輕淪遲引縈花蝶偏宜拾翠人那

憐獻賦者惆悵及茲辰 白居易賦得古原草送別曰

離離原上草一歲一枯榮野火燒不盡春風吹又生遠

芳侵古道晴翠接荒城又送王孫去萋萋滿別情 鄭

谷曲江春草曰花落江堤簇曉煙雨餘草色遠相連香

輪莫輾青青破留與遊人一醉眠 又省試春色碧色

曰萋弘血染新含露滿江濱想得尋花徑應迷拾翠人

窗紗迎擁砌簪玉妬成茵天借新晴色雲饒落日春嵐

光垂處合眉黛看時顰願與仙桃比無令惹路塵 陳

陶賦得池塘生春草曰謝公遺詠處池水夾通津古往

何人在年年草自春色宜波際綠香異雨中新今日青

青意空悲行路人 宋楊萬里春草曲詩曰散雪枝頭

寒已老平蕪一夜鋪春草江梅著子怯東風花落滿庭

渾不埽 明楊基春草詩曰嫩綠柔香遠更濃春來無

處不茸茸六朝舊恨斜陽裏南浦新愁細雨中近水欲

迷歌扇綠隔花偏襯舞裯紅平川十里人歸晚無數牛

羊一笛風 李昂妻陳氏詠春草詩曰無人種春草隨

意發芳叢綠徧郊原外青回遠近中暮煙粘落絮和雨

觀殘紅不解王孫去淒淒對晚風

原賦晉傅玄紫華賦曰紫華一名長樂華舊生於蜀其  
東界特饒中國奇而種之余嘉其花純耐久可歷冬而  
服故與友生各為之賦有遐方之奇草禀二氣之純精  
仰紫微之景曜因令色以定名剛莖勁立纖條繁列從  
回風以搖動紛蘭暢而蕙潔蔚青蔥以增茂並含華而  
未發於是散綠葉秀紫榮蘊若芝草之始敷灼若百枝  
之在庭獨參差以照耀何光麗之雜形渙渙昱昱而奪

人目精下無物以借喻上取象於朝霞妙萬物而比豔  
莫茲草之可嘉 梁蕭子暉冬草賦曰有閑居之蔓草

獨幽隱而羅生對離披之苦節反蕤歲而有情若夫火  
山滅燄湯泉沸瀉日悠揚而少色天陰霖而四下於時  
直木先摧曲蓬多隕衆芳摧而萎絕百卉颯以徂盡未  
若茲草凌霜自保挺秀色於冰塗厲貞心於寒道已矣  
哉徒撫心其何益但使萬物之後凋夫何獨知於松柏  
沈約愍衰草賦曰愍衰草衰草無容色憔悴荒徑中

寒菱不可識昔時兮春日昔日兮春風銜花兮佩實垂  
綠兮散紅巖陬兮海岬冰多兮霰積布綿密於寒皐吐  
纖疏於危石彫芳卉於九衢實靈茅之三脊風急峭道  
難秋至客衣單既傷簷下菊復悲池上蘭飄落逐風盡  
方知歲早寒流螢暗明燭鴈聲斷裁續霜奪莖上紫風  
銷葉中綠秋鴻兮疏引寒鳥兮聚飛徑荒寒草合草長  
荒徑微園庭漸蕪沒霜露日霑衣 增唐蘇頌長樂花  
賦曰夫長者以短長之形度其長則至美夫樂者以哀

樂之類同其樂則至喜長也樂也吾安得而間之嘉纖  
植之並用偉令名兮在茲徒見其豐族萃萳蒿標璀璨  
莖丹外而縞中葉縹兮以紅貫綴綠穎之重疊索紫蕤  
之爛漫迫而象之君子其常或微或章聳危冠兮纓若  
綬默退靜其何望遠以意之佳人欲翔炫炫煌煌重羅  
綺兮撲瑤翠蹇來思而未嘗匪以幽兮自直匪以直兮  
自藏匪以晚兮自耀匪以耀兮自強文濁露之均灑庇  
清舒之汎光本無嫌於散地甘有寓於殊方然則太液



初滿上林新霽羊茸灼爍萬品千計搖瑞色而涵芝雜  
竒葩而轉蕙孰與夫玉堂金閣之偏賞白日青春之特  
麗歲不與兮時向闌風蕭蕭兮夜漫漫賓遠鴻於沙塞  
叫離鶴於江干君曾不見三月華矣盡林間之槁木千  
霜隕矣亦庭下之枯蘭懿此常度凌於早寒假春期而  
不採雖秋令而不殘衝雨霰之飛薄任雲山之險難芳  
弗珍於霍靡節恆慕於檀欒吾則知樹背之奚託傾心  
之可安如後凋之是貴罔獨立其誰觀文學掾起而為

亂曰白露瀼瀼何草不黃紫華灼灼生君之堂彼不伐  
兮秋自翳時或珍兮君是惠彤庭赫兮朱草駢交屈軼  
兮友賓連伊榛莽而荒些君曷為而賦梅 宋吳淑草  
賦曰春草生兮萋萋王孫遊兮不歸吐芳揚烈緣隼被  
厓暮春江南之思涼風塞外之悲通神明者蘊藻彰瑞  
應者茵芝指東門以漚管陟南山兮採薇爾其卬有旨  
苕溼有萋楚采藍未及於一檐樹蕙俄滋於百畝苜蓿  
懷風而披靡蕤荷依陰而繁茂葛覃既施於中谷蘭生

亦羅乎堂下彼茁者蓬一發五豸不其書帶晉陽屏風  
道勝而何慙藜杖德茂而方見蒿宮艾之既逢於薙氏  
嘗之亦自於神農則有海上餘糧井邊扶老訝道弗之  
難行歎牆茨之不埽萱徒樹背荃寧察情經幽蘭兮延  
佇餐秋菊之落英聞殺人於鉤吻傳益壽於黃精濟陰  
訝其兵狀八公駭於人形畏秋霜之曉墜懼鷓鴣之先  
鳴至於生君子之邦喻小人之德茂彼崦山饒茲蘭澤  
或當風不偃或不扶自直原上動離離之思河畔悅青

青之色畫爾于茅宵爾索綯或文如鷗綬或色似青袍  
或紉蘭以為佩或服艾而盈腰至如臧文之妾織蒲伯  
有之門生莠聞景天之戒火識包茅之縮酒若夫布帛  
之異綸組之殊扈江離與辟芷畦留夷與揭車池塘得  
惠連之夢蓬蒿侵仲蔚之居駱越之茵雲夢之萱菰薑  
既已香口芣苢亦聞宜子據蒺藜而難以求安采葑菲  
而不遺下體莫英屈軼之祥闊達華革之瑞釀酒瑤琨  
之域飼馬吉雲之地葵有衛足之稱藿有向陽之意斯

品類之繁多故云百卉

原贊□卞敬宗懷香贊曰有卉惟翠因實制名濛濛綠  
葉荏苒弱莖寄芬微風寓秀閑庭懷而芳之為翫於情  
宋謝惠連仙人草贊曰余之中園有仙人草焉春穎  
其苗夏秀其英秋有貞實冬無彫色可謂貫四時而不  
改者也既嘉其名而美其質染筆作詠庶以攄述云園  
有嘉草名曰仙人華華煒煒莫莫臻臻穎發炎暑苗秀  
和春奇爾靈質乃植中林

原序晉嵇康懷香賦序曰余以太簇之月登於歷山之陽仰眺崇岡俯察幽坂及覩懷香生蒙楚之間曾見斯草植於廣廈之庭或被帝王之囿怪其遐棄遂遷而樹於中堂華麗則殊采婀娜芳實則可以藏之書又感其棄本高崖委身階庭似傳說顯殷四叟歸漢故因事義賦之

芝一

原爾雅曰菌芝也 增又曰芝一歲三華 神農芝論

曰山川雲雨五行四時陰陽晝夜之精以生五色神芝  
皆為聖王採擇焉 原說文曰芝神草也 本草經曰  
赤芝一名丹芝黃芝一名金芝白芝一名玉芝黑芝一  
名玄芝紫芝一名木芝 增格物論曰芝瑞草也土氣  
和則生有五色黃者為喜黑者為惡 原瑞應圖曰芝  
英者王者親延耆養老有道則生 孝經援神契曰德  
至於草木則芝草生 又曰善養老則芝茂 春秋運  
斗樞曰瑤光得陵出黑芝 抱朴子曰芝有石芝木芝

草芝肉芝菌芝百許種玉脂芝如水精得而末之以無  
心草汁和之須臾成水服一升得千歲 增又曰赤者  
如珊瑚白者如截肪黑者如澤漆青者如翠羽黃者如  
紫金而皆光明洞徹如堅冰也晦夜去芝三百步便望  
見其光矣 原又曰石桂英芝名生巖穴中似桂樹而  
實石也 又曰木芝者松脂淪地千歲化為茯苓茯苓  
萬歲其上有小木狀似蓮花其名曰木威喜芝夜視有  
光持之甚滑燒之不然帶之辟兵 又曰七明九光芝



皆石也生臨水之高山石崖之間狀如盤碗不過徑尺以還 又曰肉芝者謂萬歲蟾蜍頭上有角領下有丹書八字體重以五月五日中時取之陰乾百日以其足畫地即為流水帶其左手於身辟兵若敵人射已者弓弩矢皆返還自向也 又曰青雲芝生於名山之陰大青石間青蓋三重上有雲氣覆之味辛甘以陰乾食之令人壽千歲不老能乘雲通天見鬼神 又曰黃龍芝生於神山中狀如黃龍味辛甘以四時採陰乾治食

日一合壽萬歲令人光澤 又曰金蘭芝生於名山之

陰金石之間上有水蓋莖出入秋旬求之飲其中水壽

千歲耳目聰明 又曰龍仙芝狀似升龍之相負葉為

鱗其根則如蟠龍服一株則壽千歲 又曰珠芝其莖

黃其葉赤其實如李而紫色二十四枚輒相連而垂如

貫珠也 又曰朱草芝九曲曲有三葉三實 又曰行

山中見小人乘馬車長七八寸者肉芝生取服即僊

又曰蒼山岑石之中赤雲之下狀如人豎豎如連鼓其

色如澤以夏採之陰乾食之令人乘雲龍上天觀見八  
極通見神明延壽萬年 又曰月芝生於名山之陰崑  
崙之山大谷源泉金石之中 又曰山芝者韓衆所食  
也與天地相極延年壽通神明矣 又曰火芝常以夏  
採之葉上赤下莖青赤松子服之常在西王母前隨風  
上下往來東西 又曰人芝生名山之陰青蓋白莖乾  
治食日半合則使人壽入水可久也 又白月精芝秋  
生山陽石上莖青上赤味辛苦盛以銅物十月食之壽

萬歲 又曰黑芝生於名山之陰大谷中白蓋赤莖味甘秋採之陰乾日食令人身輕齒堅與天地無極 又曰火芝生於名山之陽其色黃澤大如車蓋 又曰金芝生於金石之中無蓋青莖味甘辛以秋取陰乾泊食令人身有光壽萬歲 又曰萬年芝令人不老延年九千 又曰夜光芝出於名山之陰大谷源泉中金石間上有浮雲翔其上有五色有目如兩目 又曰白雲芝生於名山之陰白石上有白雲覆之白蓋二重味辛甘

小苦以秋採之陰乾治食令人身輕齒堅 又曰金芝  
生於山無蓋青莖陰乾治食日一合不中風雷令人色  
光澤也 又曰雲母芝生於名山之陰青蓋赤莖味甘  
以季秋竹刀採之陰乾治食使人身光壽千歲醺以牛  
脯 又曰華芝生於名山之陽及出中央山大谷源泉水  
中赤蓋白莖上有兩葉三實 又曰鬼芝青蓋長莖陰  
乾屑之日食五合所見神明令人長生 漢武內傳曰  
西王母之仙上藥有大真紅芝草 增博物志曰名山

生神芝不死之草上芝為車馬形中芝為人形下芝為  
六畜形 廣異記曰仙都有芝圃悉種靈芝或如車騎  
或如華蓋或如樓閣或如飛鳥五色 拾遺記曰崑崙  
山九層有芝田蕙圃羣仙種耨焉 原淮南子曰巫山  
之上從風縱火紫芝與蕭艾俱死 增又曰稻生於水  
而不能生於湍瀨之間芝生於山而不能生於盤石之  
上 離騷曰采三秀兮於山間

芝二

增抱朴子曰蔡誕求仙三年饑凍還家欺家云吾為老  
君守視斑龍與諸仙博戲忽輸此龍為此罪見責送崑  
崙山下芸鋤芝草三四頃皆生細石中多荒穢治之勤  
苦不可論法當十年乃得原會僦佺子王喬諸仙來接  
按行吾守請之並為吾作力且自放歸當更自修理求  
去 原漢書曰武帝元封二年詔曰甘泉宮中產芝九  
莖連葉上帝博臨不異下房具赦天下賜雲陽都百戶  
牛酒作芝房之歌 又曰宣帝神雀元年金芝九莖產

於涵德殿銅池中

仲長子曰哀帝時有異物生於長

樂宮延年殿後東廡樹及永巷南園合歡樹議者以為

芝草 增東觀漢記曰明帝永平七年公卿以芝生前

殿表賀奉觴上壽

原論衡曰建初三年零陵泉陵縣

女子博寧宅内生芝五本長者尺四寸短者七八寸葉

莖紫色蓋紫芝也太守沈鄴遣門下掾奏獻皇帝悅懌

賜錢衣詔會公卿郡國上計吏皆以芝草告示天下

續漢書曰章帝建初五年零陵獻芝草 古今注曰章



帝元和二年芝生沛如人冠又生章武如人抱三子狀

增東觀漢記曰桓帝建和元年芝生中黃藏府原

又曰光和四年郡國上芝草英 增宋書曰順帝昇明

二年臨城縣生紫蓋黃裏芝芝歷時質色不變 拾遺

記曰大業七年六月東都永康門內會昌門東生芝草

百二十莖武貴郎將段文操留守畫圖奉表進 唐書

曰貞觀中安禮門御榻產靈芝五莖 又曰貞觀中太

子寢室中產素芝十四莖並為龍興鳳翥之形 又曰

天寶中有玉芝產於大同殿之柱礎一本兩莖神光照  
於殿 又曰上元中含輝院生金芝又延英殿御座生  
玉芝一莖三花肅宗御製玉靈芝詩 雜俎曰武宗起  
望仙臺空中生靈芝二株色同紅玉 邵氏聞見錄曰  
仁宗降誕章懿后榻下生靈芝一本四十二葉以應享  
國四十二年之瑞云 新唐書曰崔希喬以孝友稱丁  
內憂哀毀過禮為鄭縣丞芝草生所居堂一宿而葩蓋  
盈尺 又曰杜荀鶴庭前椿樹生二芝明年及第因名

之曰科名草 宋史曰徽宗政和中蘄州產芝徧境計  
黃芝一萬一千六百本內一本紫色九幹尤奇 古今  
詩話曰宣和間王將明賜第以梁生芝草為奏車駕臨  
幸適久雨梅潤芝墜地京師為十七字詩曰相公新賜  
第梁上生芝草為甚脫下來膠少

芝三

增商嶺

謝庭

史記四皓避秦入商山採芝而歌  
謝車騎曰譬之芝蘭玉樹欲使生階庭

銅池

瓊田

上見芝二  
寄胡道士玉芝一名瓊田草

燕胎

鳳腦雜俎句曲山有神芝五種第一名龍仙第二名參成第三名燕胎第四名夜光第五名玉科又曰

仙經言穿地六尺以鐸實一枚種之灌以黃水五合以土堅築之三年生苗如宛實如桃名鳳腦芝又有五德

芝如車馬朱柯 翠羽 張衡賦濯靈芝於朱柯按朱含

氣延年孫綽天台賦五芝含氣而晨數瑞博寧

宅中九齡坐側上見芝二唐張九齡以母喪解任居憂毀不勝哀有紫芝產於坐側白

鳩白雀巢庭樹 龍興鳳翥 蟠錯蟬聯上見芝二唐李紳

寶葉蟬聯表地祥 紫藤赤箭 雲母月精東坡詩序夜夢遊

小園古井井上有蒼石石上生紫藤如龍蛇枝葉如赤箭主人言此石芝也山堂肆考昔羊惺夢入洞府有

一物飛去神人曰此青雲芝也又有七明芝九光芝雲母芝月精芝龍仙芝萬年芝金蘭芝

### 芝四

原三秀

煌煌靈芝一年三秀

九莖

漢代歌

見芝二

松子服

芝火

赤松子服之

生隈

芝蘭菌蠹生其隈

萬年

芝名

兩日

夜光芝有目如兩日

雲氣

青雲紫雲氣覆之

瑤光

九光

九曲

五色

兩葉三實

似

桂樹

桂英芝

如蓮花

木芝名曰木威喜芝

泉陵獻

論衡

銅池產

漢書

乘車馬

內芝

返弓矢

內芝

白雲覆

白雲芝

浮雲翔

夜光芝

狀如盤椀

九光芝

大如車蓋

火芝

產甘泉宮

產涵德殿

並漢書

生合歡樹

仲長子

生名山陰

抱朴子

帶之辟兵

服之不老

垂如貫珠

紫朱芝

豎如連鼓

赤雲芝

靈芝

神芝

增一本兩莖

見芝一

三榦九枝

見神芝贊

延英御座

安禮御榻

並唐書

芝五

原詩梁庾肩吾芝草詩曰踟躕玩芝草淹留攀桂叢  
桂叢方偃蹇芝葉正玲瓏如龍復如馬成闕復成宮  
黃金九華蓋紫莖六英通隱士蒼山北神仙海穴東  
隨舟聊

變水獨搖不須風 增唐肅宗御製玉靈芝詩曰玉殿

肅肅靈芝煌煌重英發秀連夜分房紫微間采白薜呈  
色載啟瑞圖庶符皇極放此靈質貢其王猷神惟不愛  
永荷天休 李義府詠宣政殿芝草詩曰明王敷孝感

寶殿秀靈芝色帶朝陽淨光涵雨露滋且標仙德重更  
引國恩施聖祚今無限微臣樂未移 宋蘇軾詠芝詩

曰空堂明月清且新幽人睡息來初勻了然非夢亦非  
覺有人夜扣祈孔賓披衣相從到何許朱闌碧井開瓊

戶忽驚石上堆龍蛇玉莖紫筍生無數鏗然散折青珊  
瑚味如蜜藕和雞蘇

增歌漢四皓紫芝歌曰莫莫高山

一作漢  
漢商洛

深谷逶迤騁

騁紫芝可以療飢唐虞世遠吾將何安

一作

歸駟馬高蓋

其憂甚大富貴之畏人兮不若貧賤之肆志

一作富貴  
而畏人不

若貧賤  
而輕世

武帝芝房歌曰齊房產草九莖蓮葉

齊讀  
曰齋

宮

童効異披圖按牒元氣之精回復此都蔓蔓日茂芝成

靈華

班固靈芝歌曰因露寢兮產靈芝象三德兮瑞



應圖延壽命兮光此都配上帝兮象太微參日月兮揚  
光輝

增表唐崔融賀天后殿中芝草生表曰德合天地仁之  
所及也深道貫神明孝之所寔也極故有元功肸鬻靈  
命氤氲瑤光發辰象之精金色吐陰陽之秀伏惟天后  
化含萬物訓正六宮天下被塗山之音海內仰河洲之  
教芝英繞殿慙疑王母之臺靈草成田聊比宓妃之館  
霑霈雨露之津搖動風雲之氣斜臨網樹分貝葉而重

開近對淪池接蓮花而倒下豈與夫生於石室空傳好  
道之言產自珠宮徒事不經之說濫承天祚多慙國本  
始欽玄潤之祥更喜黃雲之地頌聲無輟在郊廟而方  
傳御膳有憑俯神仙而何遠

原贊魏繆襲神芝贊曰青龍元年神芝產於長平之習  
陽其色丹紫其質光耀其長尺有八寸五分其本圓三  
寸有三分別為三幹分為九枝散為二十六莖圍則一  
寸九分葉徑二寸七分其幹洪纖連屬有似珊瑚之形

其吐柯載葉祥明蠲絜考圖按牒蓋美乎所同於前代

者矣 又神芝贊

名佚

古瑞命記曰王者慈仁則芝生採

食之則延年不終與真人同又神農氏論芝云山川雲

雨五行四時陰陽晝夜之精以生五色神芝皆為聖王

休祥焉自漢孝武顯宗世號隆盛而元封永平所紀神

芝方斯蔑如也且其枝幹條莖本末相承乃協於天官

之數非神明其孰為此哉推其類象則蓂莢之植階庭

簞蒲之生庖厨視匹靈矣乃詔御府匱而藏之且畫其

形遂以名園為之贊曰帝德允臻厨不難致煌煌神芝吐葩揚榮曩披其圖今握其形永章遐紀載之頌聲

蘭一

原說文曰蘭香草也 增本草曰蘭一名水香俗呼燕尾香煮水以療風又名香水蘭四時常青花黃有春芳者為春蘭色深秋芳者為秋蘭色淡移植小檻中置座右花開時滿室盡香與他花香又別 圖經曰蘭山在蜀敘州蘭生於深林石間尤多有春蘭秋蘭崇蘭鳳尾

蘭竹蘭石蘭春蘭花生於葉之下崇蘭花生於葉之上

原易曰同心之言其臭如蘭 增毛詩曰士與女方

秉蘭兮即蘭香草也 原禮記曰婦人或賜之蒹蘭則

受而獻諸舅姑 家語曰芝蘭生於深林不以無人而

不芳君子修德立道不為困窮而改節 增又曰與善

人居如入芝蘭之室久而不知其芳 原文子曰日月

欲明浮雲蓋之叢蘭修發秋風敗之 又曰蘭芷不為

莫服而不芳君子行道不為莫知而止 孫卿子曰民

之好我芬若椒蘭

增淮南子曰男子樹蘭美而不芳

繼子得食肥而不澤情不相與往來也

原楚詞曰旣

滋蘭之九畹兮

增又曰戶服艾以盈腰兮謂幽蘭其

不可佩

原又曰紉秋蘭以為佩

增又曰沅有芷兮

澧有蘭思君子兮未敢言

原又曰秋蘭兮麝蕪羅生

兮堂下綠葉兮紫莖芳菲兮襲予

增又曰浴蘭湯兮

沐芳澤

原又曰秋蘭兮青青綠葉兮紫莖

增又曰

懷蘭英兮把瓊若

又曰疏石蘭兮以為芳

王逸曰石蘭香草疏

布也 漢武帝秋風辭曰蘭有秀兮菊有芳懷佳人兮不能忘

蘭二

原琴操曰猗蘭操者孔子所作也孔子聘諸侯莫能仕自衛反魯隱谷之中見香蘭獨秀喟然歎曰夫蘭當為王者香今乃獨茂與衆草為伍乃止車援琴鼓之自傷不逢時託辭於香蘭云 左傳曰鄭文公有賤妾曰燕姑夢天使與已蘭曰余為伯儵余而祖也以是為而子

蘭有國香人服媚之文公與之蘭而御之辭曰妾不才  
幸而有子將不信敢徵蘭乎公曰諾生穆公名之曰蘭  
增晏子曰曾子將行晏子送之曰君子贈人以軒不  
若以言吾請以言乎夫蘭本三年而成湛之苦酒則君  
子不近庶人不佩湛之糜醢而價匹馬矣非蘭本美也  
所湛然也願子之必求所湛 越絕書曰句踐種蘭渚  
山

注云渚山王右軍蘭亭是也今會稽山蘭花甚盛

漢記曰漢尚書郎每進

朝懷香握蘭口含雞舌香 典畧曰曹操殺楊修曰芳



蘭當門不得不除 原蜀志曰先主殺張裕諸葛亮救  
之先主曰芳蘭當門不得不鋤 語林曰謝太傅問諸  
子姪曰子姪何預人事而政欲使其佳諸人莫有言者  
車騎荅曰譬如芝蘭玉樹欲使生階庭 增羅含別傳  
曰羅含致仕還家庭中忽蘭桂叢生人以為德行之感  
世說曰毛元字伯成負才氣常稱寧為蘭摧玉折不  
作蕭敷艾榮 梁書曰武帝平建業朝士皆拜謝覽長  
揖而已意氣閑雅武帝目送良久謂徐勉云覺此生芳

蘭竟體想謝莊正當如此 隋遺錄曰煬帝在江都往  
往為妖祟所惑嘗遊吳公宅雞臺恍惚間與陳後主遇  
舞女數十羅侍左右中一人迴美帝屢目之後主云即  
麗華也乃以綠文測海蠡酌紅梁新醞勸帝帝歡甚因  
請麗華舞玉樹後庭花後主問蕭妃何如此人帝曰春  
蘭秋菊各一時之秀也 舊唐書曰長壽二年裴子餘  
為鄆縣同列李朝隱程行謚皆以文法著稱子餘獨以  
詞學知名或問雍州長史陳崇業三人優劣崇業曰譬

之春蘭秋菊俱不可廢 宋稗史曰羅畸元祐四年為  
滁州刺史明年治廨宇於堂前植蘭數十本為之記曰  
予之於蘭猶賢朋友朝襲其馨暮頹其英攜書就觀引  
酒對酌

### 蘭三

增作操

賦詩

上詳蘭二  
相蕭嵩會百官賦

唐孫逖為集賢院修撰宰  
賦蘭詩繼雅頌休使逖

為入室

當門

上詳蘭一  
下詳蘭二

靈德

高標

上見蘭師  
古幽蘭賦

向子諲詞綠玉叢中紫玉條幽光疎淡更香饒不將  
紅粉汗高標空谷佳人宜作伴貴遊公子不能招小窗

相對讀

離騷

陰玉池

養綺石

上見傅玄賦 維貯蕙蘭必黃 汗漫錄王

綺石累

年彌盛

如美人

似君子 東坡題楊次公春蘭詩 春

黃山谷修水記蘭似 似君子 蕙似士大夫

蘭四

原燕夢

謝庭

並詳前二

紉佩

見楚詞

蔭池

見傅玄詩

綠葉

紫莖

並詳前一

丹穎

縹蒂

左思齊都賦曰其草則有 杜若 薜菊 石蘭 芷 蕙 紫莖

丹穎 縹蒂

為佩

見楚詞

當門

詳前二

十步

說苑十步之內必有芳蘭

九畹

楚詞

秋芳

古詩蘭以秋芳

風汜

楚詞光風轉 蕙汜崇蘭

蘭亭

晉永和九年王羲之集  
羣賢會稽山陰之蘭亭

蘭皋古詩清露  
被蘭皋

王者香標

善人室

家語

香自焚

蘭以香而自焚

刈而卒

左傳鄭穆公有疾曰蘭死

吾其死乎此吾所以生也刈蘭而卒

既窮谷

窮谷既芳蘭

生深林芝

郎

官在握

郎官握蘭芳香

孝子循陔

詩序南陔美孝也曰循彼南陔言采其蘭以為佩也

執修禊

韓詩三月上巳桃花水下時浴於溱洧水執蘭修禊祓除不祥

受獻舅姑

禮記

幽蘭

芳蘭

春蘭

秋蘭

增幽客

花譜蘭為幽客

芳友

曾端伯取友於十花蘭為芳友

蘭五

原詩後漢酈炎蘭詩曰靈芝生河洲動搖因洪波秋蘭  
榮何晚嚴霜悴其柯哀哉二芳草不植太山阿 晉傅  
玄詠秋蘭詩曰秋蘭蔭玉池池水清且芳雙魚自踴躍  
兩鳥時迴翔 梁孝元帝賦得蘭澤多芳草詩曰春蘭  
本無豔春澤最歲蕤燕姬得夢罷尚書奏事歸臨池影  
入浪從風香拂衣當門已芬馥入室復芳菲蘭生不擇  
徑十步豈難稀 後梁宣帝詠蘭詩曰折莖聊可佩入  
室自成芳開花不競節含秀委微霜 陳張正見賦新

題得蘭生野徑詩曰披襟出蘭畹命酌動幽心鋤罷還  
開路歌喧自動琴華燈共影落芳杜雜花深莫言閑徑  
裏遂不斷黃金 唐太宗詠芳蘭詩曰春暉開紫苑淑  
景媚蘭湯映庭含淺色凝露泣浮光日麗參差影風和  
輕重香會湏君子折佩裏作芬芳 增李嶠詠蘭詩曰

虛室重招尋忘言契斷金英浮漢家酒雪洒楚王琴廣  
殿輕香發高臺遠吹吟河汾應擢秀誰肯訪山陰 張  
九齡悲秋蘭詩曰幸得不鋤去孤苗守舊根無心羨旨

蓄豈欲近名園遇賞寧充佩為生莫礙門幽林芳意在  
非是為人論 李白蘭詩曰孤蘭生幽園衆草共蕪沒

雖照陽春暉復悲高秋月飛霜早淅瀝綠豔恐休歇若  
無清風吹香氣為誰發 又曰蘭生不當戶別是閑庭  
草夙被霜雪欺紅榮已先老謬接瑤華枝結根君王池  
顧無馨香美叨沐春風吹臨風若可佩卒歲常相隨

僧無可蘭詩曰蘭色結春光氛氲掩衆芳過門階露葉  
尋澤徑連香晚靜風吹亂亭秋雨引長靈均曾采擷



佩挂荷裳 崔塗幽蘭詩曰幽植衆寧知芬芳只暗持  
自無君子佩未是國香衰白露沾常早春風到每遲不  
如當路草芳馥欲何為 宋朱子秋蘭詩曰秋蘭遞初  
馥芳意滿中襟想予空齋裏淒涼楚客心夕風生遠思  
晨露洒中林頗憶孤根在幽期得重尋 又曰秋至百  
草晦寂寞寒露滋蘭皋一以悴蕪穢不能治端居念離  
索無以遺所思願言託孤根歲晏以為期 楊萬里蘭  
詩曰雪徑偷開淺碧花冰根亂吐小紅芽生無桃李春

風面名可山林處士家政坐國香到朝市不容霜節老  
雲霞江蘼蕙圃非吾耦付與騷人定等差 明宋濂蘭

花篇曰陽和煦九畹晴芬溢青蘭潛姿發玄麝幽蘼凝  
紫檀綠蘿託芳鄰白谷挹高寒元聖未成調湘纍久長  
歎菰葦雖外蔽貞潔終能完豈知平生心卒獲君子觀  
雜以青瑤芝承以白玉槃靈風曉方薦清露夜初溽此  
時不見知駢羅混荒菅春風桃李花爛若霞綺攢徒媚  
夸毗子千金買歌歡棄之不彼即要使中心安願結媿

人佩把玩日忘餐

增操唐韓愈擬猗蘭操曰蘭之猗猗揚揚其香不採而  
佩於蘭何傷今天之旋其昌為然我行四方以日以年  
雪霜貿貿薺麥之茂子如不傷我不爾覲薺麥之茂薺  
麥之有君子之傷君子之守 明宣宗擬猗蘭操曰蘭  
生幽谷兮曄曄其芳賢人在野兮其道則光嗟蘭之茂  
兮衆草為伍於乎賢人兮汝其予輔

原賦陳周弘讓山蘭賦曰爰有奇特之草產於空崖之

地仰鳥路而裁通視行踪而莫至挺自然之高介豈衆  
情之服媚寧紉結之可求垂延佇之能泊稟造化之均  
育與卉木而齊致入坦道而銷聲屏山幽而靜異獨見  
識於琴臺竊逢知於綺季 唐顏師古幽蘭賦曰惟奇

卉之靈德稟國香於自然洒嘉言而擅美擬自操以稱  
賢詠秀質於楚賦騰芳聲於漢篇冠庶卉而超絕歷終  
古而彌傳若乃浮雲卷岫明月澄天光風細轉清露微  
懸紫莖膏潤綠葉水鮮若翠羽之羣集譬彤霞之競然

感羈旅之招恨狎寓客之留連旣不遇於擘採信無憂  
乎剪伐魚始陟以先萌鷄雖鳴而未歇願擢穎於金陛  
思結蔭乎玉池泛旨酒之十醞耀華燈於百枝 增楊

烟幽蘭賦曰惟幽蘭之芳草稟天地之純精抱青紫之  
奇色挺龍虎之嘉名不起林而獨秀必固本而叢生爾  
乃丰茸十步綿連九畹莖受露而將低香從風而自遠  
當此之時叢生正滋美庭闈之孝子循南陔而采之楚  
襄王蘭臺之宮零落無叢漢武帝猗蘭之殿荒涼幾變

聞昔日之芳菲恨今人之不見至若桃花水上佩蘭若  
而續魂竹箭山陰坐蘭亭而開宴江南則蘭澤為洲東  
海則蘭陵為縣隰有蘭兮蘭有枝贈遠別兮交新知氣  
如蘭兮長不改心若蘭兮終不移及夫東山月出西軒  
日晚授燕女於春閨降陳王於秋坂乃有送客金谷林  
塘坐曛鶴琴未罷龍劍將分蘭缸燭耀蘭麝氛氲舞袖  
迴雪歌聲遏雲度清夜之未艾酌蘭英以奉君若夫靈  
均放逐離羣散侶辭鄢郢之南都下瀟湘之北渚步遲

遲而適越心鬱鬱而懷楚徒眷戀於君王斂精神於帝  
女汀洲兮極目芳菲兮襲予思公子兮不言結芳蘭兮  
延佇借如君章有德通神感靈縣車舊館請老山庭白  
露下而警鶴秋風高而亂螢循階除而下望見秋蘭之  
青青重曰若有人兮山之阿紉秋蘭兮歲月多思握之  
兮猶未得空佩之兮欲如何乃抽琴命操為幽蘭之歌  
歌曰幽蘭生矣於彼朝陽含雨露之津潤吸日月之休  
光美人愁思兮採芙蓉於南浦公子忘憂兮樹萱草於

北堂雖處幽林與窮谷不以無人而不芳趙元淑聞而  
歎曰昔聞蘭葉據龍圖復道蘭林引鳳雛鴻歸燕去紫  
莖歇露往霜來綠葉枯悲秋風之一敗與萬草而為芻

御定淵鑑類函卷四百八



欽定四庫全書

御定淵鑑類函卷四百九

草部二

蕙 菊 杜若 薜蘿 鬱金 迷迭  
芸香 藿香 鹿葱 蜀葵 薔薇 藍

慎火 葵施

萱

蕙一

原廣雅曰蕙草綠葉紫花魏武帝以為香燒之 山海  
經曰天帝之山其下多蕙外山之下其草蕙 楚詞曰  
川谷徑復流潺湲光風轉蕙泥崇蘭 又曰又樹蕙之

百畝 又曰薜荔拍兮蕙綢 增黃魯直曰蘭蕙叢生  
詩以沙石則茂沃之以湯茗則芳

蕙二

原詩漢繁欽詠蕙詩曰蕙草生山北託身失所依植根  
陰崖側夙夜懼危顛寒泉浸我根淒風常徘徊三光照  
八極獨不蒙餘暉葩葉永彫瘁凝露不暇晞百卉皆含  
榮已獨失時姿比我英芳發鵲鳴已哀

菊一

原爾雅曰菊治牆也

今之秋菊也

禮記曰季秋之月菊有

黃華

本草經曰菊有筋菊有白菊黃菊菊花一名節

花一名傅公一名延年一名白花一名日精一名更生

又云陰威一名朱羸一名女花其菊有兩種者一種紫

莖氣香而味甘美葉可作羹為真菊一種青莖而大作

蒿艾氣味苦不堪食名薏非真菊也

增埤雅曰菊本

作鞠從鞠窮也花事至此而窮盡也宿根在土逐年生

芽莖有稜嫩時柔老則硬高有至丈餘者

原山海經

曰女兒之山其草多菊 按晉周處風土記曰日精治  
牆皆菊之花莖之別名也生依水邊其華煌煌霜降之  
時惟此草盛茂九月律中無射俗尚九日而用候時之  
草也 抱朴子曰日精更生周盈皆一菊也而根莖花  
實異名者或無效者故由不得真菊 又曰劉生丹法  
用白菊花汁蓮花汁樗汁和丹蒸之服一年壽五百歲  
又曰菊花與薏苡相似直以甘苦別之耳菊甘而薏  
苦諺所謂苦如薏者也今所有真菊但為少耳 崔寔

月令曰九月九日可採菊花 楚詞曰朝飲木蘭之墜  
露兮夕餐秋菊之落英 又曰春蘭兮秋菊長無絕兮  
終古 增拾遺記曰背明國有紫菊謂之日精一莖一  
蔓延及數畝味甘食者至死不飢渴 終南山五老洞  
碑曰永壽漢之好時也出墨菊其色如墨古用其汁以  
書

菊二

增風土記曰漢武帝宮人賈佩蘭九日佩茱萸食餌飲

菊花酒令人長壽

原風俗通曰南陽酈縣有甘谷谷

水甘美云其山有大菊水從山上流下得其滋液谷中

有三十餘家不復穿井悉飲此水上壽百二三十中百

餘下七八十者名之大天菊花輕身益氣令人堅強故

也司空王暢太尉劉寬太尉袁隗為南陽太守聞有此

事令酈縣月送水二十斛用之飲食諸公多患風眩皆

得瘳盛弘之荊州記曰酈縣菊花水太尉胡廣久患

風羸恒汲飲此水後疾遂瘳年近百歲非惟天壽亦菊

延之此菊甘美廣後收此菊實播之京師處處傳植

神仙傳曰康風子服甘菊花柏實散乃得仙 名山記

曰道士朱孺子服菊草乘雲升天 增列仙傳曰文賓

取嫗數十歲輒棄之後嫗老年九十餘續見賓年更壯

拜泣至正月朝會鄉亭西社中賓令服菊花地膚桑寄

生松子以益氣嫗亦更壯復百餘歲 原續晉陽秋曰

陶潛九月九日無酒坐宅邊叢菊中採摘盈把望見白

衣人至乃王弘遣送酒即便就酌 增唐李適傳曰高

宗時適為學士凡天子饗會遊幸唯宰相及學士得從

秋登慈恩寺浮圖獻菊花酒稱壽 史正志敘曰唐輦

下歲時記九月宮掖間爭插菊花民俗尤甚杜牧詩曰

黃花插滿頭 文粹曰陸龜蒙自號天隨子宅荒少牆

屋多隙地前後皆樹以杞菊春苗恣肥得以採擷供左

右杯案及夏五月枝葉老硬氣味苦澁旦暮猶責兒童

輩掇拾不已遂作杞菊賦 蘇東坡集曰東坡守膠西

傳舍索然不堪其憂日與通守劉廷式循古城廢圃求



杞菊食之作後杞菊賦

菊三

原白華

黃蕖

吳氏本草曰菊花一名白華 下見盧諲菊賦

青柯

紫莖

上見鍾會菊花賦 下見嵇含菊花銘

糝玉英

耀金華

上見鍾會菊花賦 下見傅統

妻菊 花頌

儀鳳集鷄

星羅雲布

上見潘尼秋菊賦 下見盧諲菊花賦

增

麗草

節花

上見傅統妻菊花頌 說菊花之隱逸者也 一名節花

周子愛蓮

日精

霜傑

上見菊一 下見蘇洵詩

香晚節

制顏齡

宋韓魏公本 傳公在北門

九日燕諸僚佐詩不虛老圃秋容淡猶有黃花晚節香 張南軒傳先生為江陵數月經行郡國命採杞菊付

之庖人或謂其矯先生曰天壤間孰為正味厚或脂毒  
淡乃其至惟杞與菊中和所萃驗南陽與河西又類齡

之可

裁雪拆金 和霜伴月

唐羅隱詩雪裁纖葉密  
金拆小苞香 唐張賁

制

白菊詩雪映冰姿號玉華寄身都是地僊  
家有時南國和霜立幾處東籬伴月斜

似故人

比君子

古詩眼前景物年年別只有黃花似故人 范  
至能菊譜敘山林好事者或以菊比君子其說

以為歲華婉婉草木變衰乃獨灼然秀發傲晚風霜此  
幽人逸士之操雖寂寥荒寒而味道之腴不改其樂者  
也

菊四

原延年

菊一名延年

瘳疾

荊州記

輕身

風俗通

盈把

詳菊二

賜鍾繇

魏文帝賜鍾繇菊一束

采陶令

飲酒消災

費長房謂桓景

九月九日可登高  
飲菊花酒以消災

增壽客

花譜菊為壽客

佳友

曾端伯以菊為佳友

冷香

王十朋取莊園卉目為十八香以菊為冷香

菊五

原詩晉袁崧菊詩曰靈菊植幽崖擢穎凌寒飈春露不染  
秋色霜不改條 梁王筠摘園菊贈謝僕射舉詩曰  
靈茅挺三脊神芝曜九明菊花偏可憇碧葉媚金英重  
九惟嘉節抱一應元貞泛酌宜長久聊薦野人誠 宋

鮑昭荅休上人菊詩曰酒出野田稻菊生高岡草味貌  
復何奇能令君傾倒玉腕徒自羞為君愧此秋金蓋覆  
牙杵何解心獨愁 唐太宗賦得殘花菊詩曰階蘭凝

曙霜岸菊照晨光露濃晞晚笑風勁淺殘香細葉彫輕  
翠圓花飛碎黃還將今歲色復結後年芳 陳叔達詠

菊詩曰霜間開紫蒂露下發金英但令逢採摘寧辭獨  
晚榮 增駱賓王菊詩曰擢秀三秋晚開芳十步中分  
黃俱笑日含翠共搖風碎影涵流動浮香隔岸通金翹

徒可汎玉笋竟誰同 李嶠詠菊詩曰玉律三秋暮金

精九日開榮舒洛媛浦香汎野人杯霍靡寒潭側丰茸  
曉岸隈黃花今日晚無復白衣來 李白感遇詩曰可

歎東籬菊莖疎葉且微雖言異蘭蕙亦自有芳菲未泛  
盈尊酒徒沾清露輝當榮君不採飄落欲何依 劉灣

即席賦露中菊曰衆芳春競發寒菊露偏滋受氣何曾  
異開花獨自遲晚成猶有分欲採未過時勿棄東籬下  
看隨秋草衰 席夔霜菊詩曰時令忽已變行看被霜

菊可憐後時秀當此凜風肅淅瀝翠枝翻淒清金蕊馥  
凝姿節堪重澄豔景非淑寧祛青女威願盈君子掬持  
來汎樽酒永以照幽獨 李端和張尹憶東籬菊詩曰  
傳書報劉尹何事憶陶家若為籬邊菊山中有此花

盧綸九日陪令公登白樓詠菊詩曰瓊尊猶有菊可以  
獻留侯願比三花秀非同百卉秋金英分蕊細玉露結  
房稠黃雀知恩在銜飛亦上樓 劉禹錫白菊詩曰家  
家菊盡黃梁園獨如霜瑩淨真琪樹分明對玉堂仙人

披雪氅素女厭紅妝粉蝶來難見麻衣拂更香面風搖  
羽扇含露滴瓊漿高豔遮銀井繁枝覆象牀桂叢慙並  
發梅萼妬先芳一入瑤花詠從茲播樂章 僧廣宣九  
日菊花詠應詔詩曰可訝東籬菊能知節候芳細枝青  
玉潤繁蕊碎金香爽氣浮朝露濃姿帶夜霜汎杯傳壽  
酒應共樂時康 白居易席上賦白菊詩曰滿園花菊  
鬱金黃中有孤叢色似霜還似今朝歌酒席白頭翁入  
少年場 又和錢員外早冬翫禁中新菊詩曰禁署寒

氣遲孟冬菊初折新黃間繁綠爛若金照碧仙郎小隱

日心似陶彭澤秋憐潭上看日慣籬邊摘賜酒色偏宜

握蘭香不敵 李商隱野菊詩曰苦竹園南椒塢邊微

香冉冉淚涓涓已悲節物同寒雁忍委芳心與暮蟬細

路獨來當此夕清尊相伴省他年紫雲新苑移花處不

取霜栽近御筵 宋王十朋九日詩曰佳節逢吹帽黃

金染菊叢淵明何處飲三徑冷香中 蘇洵菊花詩曰

騷人足以思香草比君子況此霜下傑清芬絕蘭茝氣



稟金行秀德備黃中美古來鶴髮翁殮英飲其水但恐  
蓬蘽傷課童加料理 歐陽修詠菊詩曰共坐欄邊日

欲斜更將金蕊泛流霞欲知却老延齡藥百草開時始  
見花 金元好問野菊詩曰柴桑人去已千年細菊斑  
斑也自圓共愛鮮明照秋色爭教狼籍臥疎煙荒畦斷  
隴新霜後瘦蝶寒蛩晚景前只恐春叢笑遲暮題詩端  
為發幽妍 明李夢陽詠菊詩曰不隨羣草出能後百  
花榮氣為凌秋健香緣飲露清細開宜避世獨立每含

情可道蓬蒿地東籬萬代名 何景明咏汝慶宅紅菊

詩曰紅菊開時暮亭亭冠物華亦知顏色好不是豔陽  
花羅綺嬌秋日樓臺媚晚霞清香如不改常傍美人家  
原賦魏鍾會菊花賦曰何秋菊之可奇兮獨華茂乎凝  
霜挺歲蕤於蒼青兮表壯觀乎金商延蔓蓊鬱緣坂被  
岡縹幹綠葉青柯紅芒芳實離離暉藻煌煌微風扇動  
照曜垂光於是季秋初月九日數并置酒華堂高會娛  
情百卉彫瘁芳菊始榮紛葩韡疇或黃或青乃有毛嫵

西施荆姬秦嬴妍姿妖豔一顧傾城擢纖纖之素手宣

一作雪

皓腕而露形仰撫雲髻俯弄芳榮又云夫菊有

五美焉圓花高懸準天極也純黃不雜后土色也早植  
晚登君子德也冒霜吐穎象勁直也流中輕體神仙食  
也晉孫楚菊花賦曰彼芳菊之為草兮稟自然之醇

精當青春而潛翳兮迄素秋而敷榮於是和樂公子雍  
容無為翺翔華林駿足交馳薄言采之手折纖枝飛金  
英以浮旨酒握翠葉以振羽儀偉茲物之珍麗兮超庶

類而神奇

潘岳

一作尼

秋菊賦曰馨達幽遠光燭隰原

招仙致靈儀鳳舞鸞飛莖散葉倚靡相尋垂米煒於芙蓉流芳越乎蘭林遊女望榮而巧笑鵷雛遙集而弄音若乃真人採其實王母接其葩或充虛而養氣或增妖而揚娥既延期以永壽又蠲疾而弭疴 盧諶菊花賦

曰何斯草之特偉涉節變而不傷超松柏之寒茂越芝英之冬芳浸三泉而結根晞九陽而擢莖若乃翠華雲布黃蕊星羅熒明蒨縈菴藹倚那 傅玄

一作鍾會

菊賦曰

布濩河洛縱橫齊秦掇以纖手承以輕巾揉以玉英納  
以朱脣服之者長壽食之者通神 齊卞伯玉菊賦曰

佇寒丘以彌望覩中霜之軟菊肇三春而懷芬凌九秋  
以愈馥不履苦而淪操不在同而表淑傷衆花之飄落  
嘉茲卉之能靈振勁朔以揚淥含凝露而吐英 增唐

楊炯庭菊賦曰日之貞美于彼重陽菊之榮美于彼華  
坊含天地之貞氣吸日月之淳光雲布霧合箕舒翼張  
鬱兮蔓衍郁兮芬芳珉枝金萼翠葉紅芒其在夕也言

庭燎之哲哲其向晨也謂明星之煌煌爾其萬里年華  
九州春色花灼爍兮如錦草綿連兮似織當此時也和  
其光同其塵應春光而早植及夫秋星下照金氣上騰  
風蕭蕭兮瑟瑟霜刺刺兮稜稜當此時也弱其志強其  
骨獨歲寒而晚登雨還風去天長地久純黃象於后土  
故採桑而菊衣輕體御於神仙故登山而菊酒文賓採  
之而羽化康公服之而不朽東極於是長生南極以之  
眷壽胡太尉之允誠光輔漢庭萬機理三階平及暮年

華髮垂肩秋菊落英蠲邪滌瘼於焉永貞鍾太尉之家  
聲彝倫魏室道合鹽梅功成輔弼降文皇之命修彭祖  
之術保性和神此焉終吉君章請老歲久懸車秋風生  
兮北園夕白露濕兮前階虛佇閒庭之曠邈對涼菊之  
扶疎人生行樂孰知其餘淵明解印退歸田野山鬱律  
兮萬里天蒼莽兮四下憑南軒以長歎出東籬而盈把  
歸去來兮夫何為者若此窈窕重闌亘青瑣兮接黃扉  
深沈大壯通肅成兮連博望乃有邕鄉貴族薛縣名家

共汾河之鼎氣同庶子之春華朝遊夕處徘徊顧慕歎  
搖落於三秋偉貞芳於十步伊纖莖之菲薄荷君子之  
恩遇不羨池水之芙蓉願比瑤山之桂樹歲如何其歲  
已秋叢菊芳兮庭之幽君子至止悵容與而淹留歲如  
何其歲將逝叢菊芳兮庭之際君子至止聊從容以卒  
歲 陸龜蒙杞菊賦曰惟杞惟菊偕寒互綠或穎或茗  
煙披雨沐我衣敗絳我飯脫粟羞慙齒牙苟且粱肉蔓  
延駢羅其生實多爾杞未棘爾菊未莎其如予何其如



予何 宋蘇軾後杞菊賦曰吁嗟先生誰使汝坐堂上

稱太守前賓客之造請後掾吏之趨走朝衙達午夕坐  
過酉曾杯酒之不設攬草木以誑口對案顰蹙舉箸噎  
嘔昔陰將軍設麥飯與葱葉井丹推去而不鯁怪先生  
之眷眷豈故山之無有先生忻然而笑曰人生一世如  
屈伸肘何者為貧何者為富何者為美何者為陋或糠  
覈而瓠肥或梁肉而墨瘦何侯方丈庾郎三九較豐約  
於夢寐卒同歸於一朽吾方以杞為糧以菊為糗春食

苗夏食葉秋食花實而冬食根庶幾乎西河南陽之壽  
原銘晉王淑之蘭菊銘曰蘭既春敷菊又秋榮芳薰百  
草色豔羣英孰是芳質在幽愈馨 稽含菊花銘曰煌

煌丹菊暮秋彌榮璇璣圓秀翠葉紫莖詵詵仙神徒食  
落英 成公綏菊銘曰數在二九時惟斯生

原頌晉成公綏菊頌曰先民有作詠茲秋菊綠葉黃華  
菲菲或或芳踰蘭蕙茂過松柏其莖可玩其葩可服味  
之不已松喬等福 傳統妻菊花頌曰英英麗草稟氣

靈和春茂翠葉秋曜金華布濩高原蔓衍陵阿揚芳吐  
馥載芬載葩爰採爰拾投之醇酒御於王公以介眉壽  
服之延年佩之黃耆文園賓客乃用不朽

原贊爾雅圖贊曰菊名日精布華玄月仙客薄采何憂  
華髮

### 杜若一

原爾雅曰杜若土鹵也 廣雅曰楚蘅也 本草經曰  
杜若一名杜蘅味辛微溫久服益氣輕身 范子計然

曰杜若生南郡漢中山海經曰天帝之山有草焉狀

如葵臭如薜蘿名曰杜蘅可以走馬

帶香草今人使馬或曰馬得之健走

離騷曰采芳洲兮杜若將以遺於下女又曰雜杜

蘅與芳芷又曰山中人兮芳杜若飲石泉兮蔭松柏

杜若二

增潛確類書曰貞觀中尚藥奏求杜若敕下度支有省  
郎以謝朓詩云芳洲生杜若乃委坊州貢之本州曹官  
判云坊州不出杜若應由謝朓詩誤畫省郎作此判事

豈不畏二十八宿笑人耶

杜若三

原詩梁沈約詠杜若詩曰生在窮絕地豈與世相親不  
願逢米顚本欲芳幽人

原賦齊謝朓杜若賦曰馮瑤圃而宣遊藉幽蘭而容與  
覽茲榮之茂悅紛為芳於清蘂觀夫結根濯色發曜垂  
英緣春巒以宣布陰涼潭而影清

原頌梁江淹杜若頌曰山中杜若嘉爾翠質不奇不俗

載華載實同銜夕露共炯朝日夷陂無二沈冥如一

薜蘿一

原本草經曰薜蘿一名薇蘿味辛 增爾雅曰蘄薜蘿

蕪 說文曰江離薜蘿也楚謂之薜晉謂之薜齊謂之

菴 春秋運斗樞曰維星散為薜蘿 山海經曰洞庭

之山其草多薜蘿 原管子曰五沃之土生薜蘿 楚

辭曰秋蘭兮薜蘿羅生兮堂下綠葉兮素枝芳菲兮襲

予 古詩曰上山採薜蘿下山逢故夫 增淮南子曰

亂人者若蛇牀之與蘼蕪

蘼蕪二

原廣志曰蘼蕪香草魏武帝以藏衣中

蘼蕪三

原贊晉郭璞贊曰蘼蕪善草亂之蛇牀不隕其實自別以芳佞人似智巧言如簧

鬱金一

原說文曰鬱金芳草也十葉為貫百二十貫採以煮之

為鬯一曰鬱鬯百草之英遠方所貢芳物合秬而釀之  
以降神 增周禮春官甸人掌裸器凡祭祀賓客  
之裸事和鬱鬯以實彝而陳之 原魏略曰大秦國出  
鬱金 增南州異物志曰鬱金出罽國 後周書曰波  
斯國大月氏之別種也地出鬱金

鬱金二

增唐書曰天竺國卑濕暑熱稻成四熟有旃檀鬱金諸  
香通大秦 又曰太宗時伽毗國獻鬱金香似麥門冬



花開似芙蓉其色紫碧香聞數十步花而不實欲種者  
取根

鬱金三

原賦漢朱公叔鬱金賦曰歲朱明之首月兮步南園以  
迴眺覽草木之紛葩兮美斯華之英妙布綠葉而挺心  
吐芳榮而發曜衆花爛以俱發鬱金邈其無雙比光榮  
於秋菊齊英茂乎春松遠而望之燦若羅星出雲垂近  
而觀之睇若丹桂曜湘涯赫乎扈扈萋兮猗猗清風逍

遙芳越景移上灼朝日下映蘭池覩茲榮之瑰異副歡  
情之所望折英華以飭首曜靜女之儀光瞻百草之青  
青羗朝榮而夕零美鬱金之純偉獨彌日而久停晨露  
未晞微風肅清增妙容之美麗發朱顏之熒熒作椒房  
之珍玩超衆葩之獨靈 晉傅玄鬱金賦曰葉萋萋兮  
翠青英蘊蘊而金黃樹晝靄以成陰氣芬馥而含芳凌  
蘇合之殊珍豈艾納之足方榮曜帝寓香播紫宮吐芬  
揚烈萬里望風

原頌晉左九嬪鬱金頌曰伊此奇草名曰鬱金越自殊  
域厥珍來尋芳香酷烈悅目欣心明德惟馨淑人是欽  
窈窕妃媛服之褊衿永重名實曠世弗沈

迷迭一

原廣志曰迷迭出西域 增本草拾遺曰迷迭味辛溫  
無毒主治惡氣令人衣香燒之去邪

迷迭二

原詩樂府歌詩曰氍毹氍毹五木香迷迭艾蒿及都梁

原賦魏文帝迷迭賦曰坐中堂以遊觀兮覽芳草之樹  
庭重妙葉於纖枝兮揚修幹而結莖承靈露以潤根兮  
嘉日月而敷榮隨回風以搖動兮吐芳氣之穆清薄西  
夷之穢俗兮越萬里而來征豈衆卉之足方兮信希世  
而特生 曹植迷迭香賦曰播西都之麗草兮應青春  
而發暉流翠葉於纖柯兮結微根於丹墀信繁華之連  
實兮弗見彫於嚴霜方慕秋之幽蘭兮麗崑崙之芝英  
既經時而收采兮遂幽殺以增芳去枝葉而特御兮入

綃縠之霧裳附玉體以行止兮順微風而舒光 王粲

迷迭賦曰惟遐方之珍草兮產崑崙之極幽受中和之  
正氣兮承陰陽之靈休揚豐馨於西裔兮布和種於中  
州去原野之側陋兮植高宇之外庭布萋萋之茂葉兮  
挺苒苒之柔莖色光潤而采發兮似孔翠之揚精 應

瑒迷迭賦曰列中堂之嚴宇跨階序而駢羅建茂莖以  
竦立擢修幹而承阿燭白日之炎陰承翠碧之繁柯朝  
敷條以誕節夕結秀而垂華振纖枝之翠粲動綵葉之

莓莓舒芳草之酷烈乘清風以徘徊 陳琳迷迭賦曰  
立碧莖之婀娜鋪綵條之蜿蟺下扶疎以布濩上綺錯  
而交紛匪荀方之可樂實來儀之麗閑動容飾而發微  
穆斐斐以承顏

芸香一

原倉頡解詁曰芸蒿似邪蒿香可食 增說文曰芸草  
似苜蓿 原禮記月令曰仲春之月芸始生 增大戴  
禮夏小正曰採芸為朝菜 原鄭玄曰芸香草世人種

之中庭 洛陽宮殿簿曰顯陽殿前芸香一株徽音殿

前芸香二株含英殿前芸香二株 晉宮閣名曰太極

殿前芸香四畦式乾殿前芸香八畦 增又曰徽音殿

前芸香雜花十二畦明光殿前芸香雜花八畦顯陽殿

前芸香二畦 犀芳譜曰此草香聞數百步外栽園亭

間自春至秋清香不歇絕可玩簪之可以鬆髮置席上

去蚤虱置書帙中去蠹 又曰香可佩宮嬪多服之

芸香二

增芸暉堂

芸香出于閩國其香潔白如玉入土不朽唐元載造芸暉堂以此為屑塗壁

芸

香閣

杜甫詩晚就芸香閣

芸香三

增詩宋王禹偁芸香詩曰春冰薄薄壓枝柯分與清香  
是月娥忽似暑天深澗底老松擎雪白婆婆 黃庭堅  
芸香詩曰北嶺山簷取意開輕風正用此時來生平習  
氣難料理愛看幽香未擬回

原賦晉傅咸芸香賦曰攜昵友以逍遙兮覽偉草之敷



英慕君子之弘覆兮超託軀於朱庭俯引澤於丹壤兮  
仰吸潤乎泰清繁茲綠蒨茂此翠莖葉芟蓀以纖折兮  
枝婀娜以迴縈象春松之含曜兮鬱蒨蔚以葱青 成  
公綏芸香賦曰美芸香之脩潔稟陰陽之淑精去原野  
之蕪穢植廣廈之前庭莖類秋竹葉象春檉

藿香一

原南州異物志曰藿香出海遼國形如都梁可著衣服  
中 吳時外國傳曰都昆在扶南南三千餘里出藿香

劉欣期交州記曰藿香似蘇合 增南方草物狀曰

藿香榛生民自種之五六月採曝之乃芬芳耳出交趾

武平興古九真

皆地名

范曄和香方曰靈藿

虛操

藿香二

原頌梁江淹藿香頌曰桂以過烈麝以太芬摧沮夭壽  
天抑人文誰及藿香微馥微薰攝靈百仞養氣青雲

鹿葱一

原風土記曰宜男草也高六七尺花如蓮宜懷妊婦人

佩之必生男 嵇含賦序曰宜男多植幽臯曲隰或寄

華林玄圃荆楚之士號曰鹿葱根苗可以薦於俎世人  
多女欲求男者取此草服之尤良也 增羣芳譜曰鹿

葱色頗類萱但無香耳鹿喜食之故以命名然葉與花

莖皆各自一種萱葉綠而尖長鹿葱葉團而翠綠萱葉

與花同茂鹿葱葉枯死而後花萱一莖實心而花五六

朶節開鹿葱一莖虛心而花五六朶並開於頂萱六瓣

而光鹿葱七八瓣

本草注萱即今之鹿葱誤

鹿葱二

原詩梁元帝詠宜男草詩曰可愛宜男草垂采映倡家  
何時如此葉結實復含花 沈約詠鹿葱詩曰野馬不  
任騎兔絲不任織既非中野花無堪麋鹿食 增唐于  
鵠詩曰秦女窺人不解羞攀花趁蝶出牆頭曾前空帶  
宜男草嫁得蕭郎愛遠遊

原賦晉傅玄宜男花賦曰猗猗令草生於中方花曰宜  
男號應禎祥遠而望之煥若三辰之麗天近而察之明

若芙蓉之鑒泉於是狡童媛女以時來征結九秋之永  
思含春風以娛情 夏侯湛宜男花賦曰淑大邦之奇  
草兮應則百之休祥稟至貞之靈氣兮顯嘉名以自彰  
冠衆卉之挺生兮承木德於少陽體柔性剛蕙潔蘭芳  
結纖根以立本兮靈渥液於青雲順陰陽于滋茂兮笑  
含章之有文遠而望之若丹霞照青天近而觀之若芙  
蓉鑒綠泉萋萋翠葉灼灼朱華曠若珠玉之樹煥若景  
星之羅充后妃之盛飾兮登紫微之內庭回日月之暉

光兮隨天運以虛盈

原頌魏曹植宜男花頌曰草號宜男既曄且貞厥貞伊  
何惟乾之嘉其曄伊何綠葉丹花光采晃曜配彼朝日  
君子耽樂好和琴瑟固作螽斯微立孔臧福齊太姒永  
世克昌

蜀葵一

原爾雅曰蓂戎葵也

今蜀葵也  
如木槿花

晉傅玄蜀葵賦序曰

其苗似瓜瓠既大而潔鮮紫色曜日

增郭璞曰戎蜀

蓋其所自因以名之花有五色有紅者又號一大紅

蜀葵二

增詩唐李白流夜郎題葵葉詩曰慙君能衛足歎我遠  
移根白日如分照還歸守故園 岑參蜀葵花歌曰昨  
日一花開今日一花開今日花正好昨日花已老人生  
不得恒少年莫惜牀頭沽酒錢請君有錢向酒家君不  
見蜀葵花

原賦陳虞繁蜀葵賦曰惟茲珍草懷芬吐榮挺河渭之

膏壤吸昴井之元精繞銅爵而疏植映昆明而羅生作  
妙觀於神州扇令名於東京馳驛命而遠致攢華林而  
麗庭申脩翹之冉冉播圓葉之青青 梁王筠蜀葵花

賦曰惟茲奇草遷花西道凌金坂之威夷跨玉津之浩  
浩值油雲之廣臨屬光風之長埽仰椒屋而敷榮值蘭  
房而舒藻邁衆芳而秀出冠雜卉而當闌既扶疎而雲  
蔓亦灼爍而星微布濩交加蓊茸紛葩疏莖密葉翠萼  
丹華



原贊宋顏延之蜀葵贊曰井維降精崕絡升靈物微氣麗卉草之英渝豔衆葩冠冕羣芬類麻能直方葵不傾

薔薇一

原本草經曰薔薇一名牛棘 又曰一名牛勒一名山  
棗一名薔藤 增格物論曰一名刺紅藤身多刺花或  
白或黃或紫開時連春接夏不絕清馥可人又一種野  
薔薇或號為野客 原葛洪治金創方曰用薔薇炭末  
一方寸七日三服之

薔薇二

增羣芳譜曰漢武帝與麗娟看花時薔薇開始態若含笑帝曰此花絕勝佳人笑也麗娟戲曰笑可買乎帝曰可麗娟奉黃金百斤為買笑笑錢薔薇名買笑自麗娟始又曰梁元帝竹林堂中多種薔薇以長格校其上使花葉相連其下有十間花屋枝葉交映芬芳襲人又曰徐知誥會客令賦薔薇詩先成者賜以錦袍陳濬先得之又曰東平城南許司馬後園薔薇花太繁欲分

於別地栽插忽花根下掘得一石如雞五色燦然遂呼  
薔薇為玉雞苗

薔薇三

增猩血

麝香

上見白居易詩須著綵衣新濃麝

唐方干詩開花

紅

鬚綠刺

豔色繁香

上見儲光義薔薇詩詩鶯藏密葉宜新霽

又儲光義蝶繞低枝愛

晚暉豔色當軒迷舞袖繁香滿徑入朝衣

當書開

逢春發

唐張祐詩晚風抹盡燕支

穎夜雨催成蜀錦機當畫開時正明媚故鄉疑是買臣歸

似濯文君錦

何須賈

氏香

唐李羣玉臨水薔薇詩浪搖千臉淚鳳舞一身香似濯文君錦如啼漢女粧

宋楊萬里謝送薔薇

詩海外薔薇水中州未得方旋偷金掌露  
淺染玉羅裳已換桃花骨何須賈氏香

薔薇四

原詩齊謝朓詠薔薇詩曰低枝詎勝葉輕香幸自通發  
萼初攢紫餘米尚霏紅新花對白日故蕊逐行風 梁  
簡文帝詠薔薇詩曰燕來枝益軟風飄花轉光氤氲不  
肯去還來階上香 又賦得薔薇詩曰石榴珊瑚蕊木  
槿懸星葩豈知茲草麗逢春始發花迴風舒紫萼照日  
吐新芽 元帝看摘薔薇詩曰倡女倦春閨迎風戲玉

除近叢看影密隔樹望釵疎橫枝斜綰袖嫩葉下牽裾  
牆高舉不及花新摘未舒莫疑插髻少分人猶有餘

劉綏看美人摘薔薇詩曰新花臨曲池佳麗復相隨鮮  
紅同映水輕香共逐吹繞架尋多處窺叢見好枝矜新  
猶恨少將故復嫌姜釵邊爛熳插無處不相宜 鮑泉

詠薔薇詩曰經植宜春館羅靡上蘭宮片舒猶帶紫半  
捲未全紅葉疎難蔽日花密易傷風佳麗新粧罷含笑  
折芳叢 柳惲詠薔薇詩曰當戶種薔薇枝葉太葳蕤

不搖香已亂無風花自飛春閨不能靜開匣理明妃曲  
池浮米米斜岸列依依或聞好音度時見銜泥歸且對  
清醑湛其餘任是非 增唐儲光羲薔薇詩曰裊裊長  
數尋青青不作林一莖獨秀當庭心數枝分作滿庭陰  
春日遲遲欲將半庭影離離正堪玩枝上嬌鶯不畏人  
葉底飛蛾自相亂秦家女兒愛芳菲畫眉相伴采葳蕤  
高處紅鬚欲就手低邊綠刺已牽衣葡萄架上朝光滿  
楊柳園中暝鳥飛連袂踏歌從此去風吹香氣逐人歸

朱餘慶題薔薇花詩曰四面重條密浮陰入夏清綠  
攢傷手刺紅隋斷腸英粉著蜂鬚膩光凝蝶翅明雨中  
看亦好況復值初晴 白居易題薔薇架詩曰托質依

高架攢花對小堂晚開春去後獨秀院中央翦碧排千  
萼研朱染萬房煙條塗后綠粉蕊撲雄黃根動彤雲湧  
枝搖赤羽翔九微燈炫轉七寶帳熒煌淑氣薰行徑清  
陰接步廊照梁迷藻杭耀壁變雕牆爛若叢然火殷於  
葉得霜合羅排勘擷醉暈淺深妝乍見疑迴面遙看誤

斷腸畫屏風自展綉繖蓋誰張翠錦挑成字丹砂印著  
行猩猩凝血點瑟瑟感金筐散亂萎紅片尖纖嫩紫芒  
觸僧飄毳褐留妓冒羅裳 宋楊萬里野薔薇詩曰浥  
露含風匝樹開呼童淨埽架邊苔湘紅染就高張起蜀  
錦機成新翦裁公子但貪桃火道貴人自愛葉翻堦寧  
知野老茅茨下亦有繁英送一杯

增歌唐孟郊和薔薇花歌曰仙機機機織鳳凰花開七  
十有二行天霞落地攢紅光風枝嫋嫋時一颺飛散葩



馥遶空王忽驚錦浪洗新色又似宮娃逞妝飾終當一  
使移花根還比葡萄天上植

藍一

原毛詩曰終朝采藍不盈一擔 禮記月令曰仲冬之  
月令民無刈藍以染為陽長也 孫卿子曰青出於藍  
而青於藍 秦子曰常聞作人當如園圃之藍不異衆  
草染而後朗然不如唐棣之華灼灼自顯 增漢官儀  
曰葭園供染綠紋綬葭小藍也 通志曰藍有三種蓼

藍染綠大藍如芥染碧槐藍如槐染青三藍皆可為澱  
本草李時珍曰藍凡五種蓼藍葉如蓼五六月開花  
成穗細小淺紅色子亦如蓼歲可三刈松藍葉如白松  
馬藍葉如苦蕒二藍花子並如蓼藍吳藍長莖如蒿而  
花白木藍長莖如淩明高者三四尺葉如槐七月開淡  
紅花其子亦如馬蹄淩明子而微小 羣芳譜曰藍染  
草也有數種葉如槐葉皆可作靛秋月煮染衣止用  
小藍

## 藍二

原續漢書曰楊震種植藍以供食母諸生嘗有助種藍者輒拔更種以拒其後 廣五行記曰唐永徽中絳州一僧病噎臨終命其徒曰吾死後可開吾胸喉視何物苦我及死其徒開視胸中得一物如魚有兩頭遍體肉鱗安鉢中跳躍不已投諸藥味及毒物皆消化一僧方作藍澱因以少澱投之即怖懼奔走須臾化成水 劉禹錫傳信方曰張延賞判官被班蛛蜘蛛咬頭上一宿腫

如數升碗幾至不救張公募能療者一人應召曰可治  
遂取大藍汁一椀加麝香雄黃以蛛蜘蛛投之隨化為水  
點咬處兩日而愈

藍三

原賦後漢趙岐藍賦曰余就醫偃師道經陳留此境人  
皆以種藍染紵為業藍田彌望黍稷不植慨其遺本念  
末遂作賦曰同丘中之有麻似麥秀之油油

慎火一

原南越志曰廣州有樹可以禦火山北謂之慎火或謂之戒火多種屋上以防火也但南中無雪霜故成樹增又曰樹開紅白花斷之有白汁倦遊錄謂即龍樹骨也 本草曰景天一名戒火一名水母花主明目輕身

### 慎火二

原詩梁范筠詠慎火詩曰茲卉信叢叢微榮未足奇何期糴香草遂得遶花池忘憂雖無用止燄或有施早得建章立幸熱柏梁垂

卷施一

原爾雅曰卷施草拔心不死

宿莽草也

南越志曰寧鄉縣

草多卷施拔心不死江淮間謂之宿莽 離騷曰夕攬

中州之宿莽

卷施二

增詩唐李白詩曰長短春草綠綠皆如有情卷施心獨  
苦抽却死還生睹物知妾意希君種後庭

原贊晉郭璞卷施贊曰卷施之草拔心不死屈平嘉之

諷詠以比取類雖邇興有遠旨

# 萱一

原許慎說文曰萱忘憂草也 東晉發蒙說曰甘棗令

人不惑萱草可以忘憂 毛詩曰焉得萱草言樹之背

背北  
堂也

增風土記曰花曰宜男姪婦佩之必生男又名

萱草 任昉述異記曰一名紫萱又名忘憂草吳人謂

之療愁花 古今注曰欲忘人之憂贈丹棘丹棘一名

忘憂欲蠲人之忿贈青裳青裳一名合歡

萱二

原忘憂

解思

張華博物志神農經曰中藥養性謂合歡獨念萱草忘憂也王朗與魏太子

書不遺惠書所以慰沃奉讀歡笑以籍飢渴雖復萱草忘憂臯蘇釋勞無以加也

萱三

原詩隋陽休之詠萱草詩曰開跗幽澗底散采曲堂垂  
優柔清露濕微穆惠風吹朝朝含麗景夜夜對華池

魏彥深詠堦前萱草詩曰綠草正含芳羅靡映前堂帶  
心花欲發依籠葉已長雲渡時無影風來乍有香橫得



忘憂號余憂遂不忘 增唐李嶠詠萱草詩曰履步尋

芳日忘憂自結叢黃英開養性綠葉正依籠色湛仙人  
露香傳少女風還依北堂下曹植動文雄 韋應物對

萱草詩曰何人樹萱草對此郡齋幽本是忘憂物今夕

重生憂叢疎露始滴芳餘蝶尚留還思杜陵圃離披風


雨秋 宋黃庭堅萱草詩曰從古占北堂雨露借恩光

與菊亂佳色共葵傾太陽人生真苦相物理忌孤芳不

及空庭草榮衰可兩忘

原賦梁徐勉萱草花賦曰覽詩人之比興寄草木以命  
詞惟平章之萱草欲忘憂而樹之爰有幽憂庭閑志靜  
高木列其陰蘭芳糝其影翫叢藹之爭芬悅羣根之競  
穎或開紅而散紫或莖蓋於上春信茲花之獨秀投金  
質於炎辰既耀色以祛痼亦含香而可均不恃合歡之  
木無俟孫枝之筠同菱荷於蘭暑及蟬露乎首旻其葉  
四垂其跗六出亦曰宜男加名斯吉華而不豔雅而不  
質隨晦明而舒卷與風霜而榮悴笑杜蘅與揭車何衆

彙之能匹



御定淵鑑類函卷四百九